

直隸定州志卷之十九

政典

公儀

公儀其儀也歟哉其禮也禮莫大於朝會莫重於民事行慶也禳災也類非可媿鄙簡傲事事也鳴鳩之頌君子曰其儀不忒正是四國敢以爲弁髦焉而忽

諸

萬壽聖節元旦冬至朝賀拜

牌

先期敬赴  
萬壽宮陳設至日五

鼓知州率僚屬同詣  
稟請行慶賀禮引至

朝房具朝服鼓三嚴禮書

殿下行三跪九叩首禮

禮書

畢坐班少頃退班惟元旦仍率僚屬同至  
廟各廟照朔望行禮畢回署受賀

文

恭迎

恩詔

知州率僚屬具儀仗鼓樂至東門外跪接俟詔書過後由旁路先在東轍

門外跪接隨至公堂眾官依次排班齊樂作行

三跪九叩首禮跪俟宣讀跪聽畢興復行三跪九

叩首畢恭詣案前跪請

聖安使者鞠躬答曰

安眾官乃退

迎春鞭春

立春前一日

知州率僚屬具朝服至東郊事者豫造芒神塑土牛列於左右眾官

齊集北向立行三跪九叩首禮退換公服升公坐

飲春酒樂作書役各執春花繞堂三匝畢詣芒神

前行一跪三叩首禮畢鼓樂前導迎芒神土牛同

署位芒神於儀門左

一揖而退次日立春時率僚屬各具公服至芒神前行禮如前畢各執綵鞭環

立土牛兩旁率各官環繞擊土牛三匝畢復位禮

畢

救護

凡日月食先設香案於公堂之露臺知州率僚屬素服同至公堂俟初虧各官序立行三跪九

叩首禮畢金鼓齊鳴各官起立俟食甚復圓皆行禮如初

**上任**

上任之日本州僚屬率各書役迎於東門外書役前導由東門入至州署儀門前禮書具牲醴

稟請祭門行一跪三叩首禮畢稟請入署祭竈祭宅禮如前擇日拜印值日書吏捧印置於公案上

新州牧具朝服升堂聽事吏稟報吉時吏書稟請拜印離公座出印於箱吏書開印箱升印於箱上

行三跪九叩首禮畢用印吏書用印訖入印於箱吏書封印訖設香案於堂之東北隅望

闕謝

恩行三跪九叩首禮畢退位吏書稟請升公座排列書役人等以次參見首領官見畢然後同僚行

相見禮乃押公文治理公事

**開印**

本州遵於正月某日某時具朝服陞堂開門升

碑聽事吏稟報吉時吏書稟請拜印離公座恭

詣印前出印於箱書吏出印升印於箱上行三跪九叩首禮畢復陞公座吏書稟請拜印離公座恭

入印於箱吏書稟請簽公座簿刑書稟請拜印離公座恭

排衙各書役叩賀畢鼓樂導引送印入宅

**封印**

本州遵於十二月某日某時具朝服陞公座開

碑聽事吏稟報吉時吏書稟請拜印離公座恭

座恭詣印前出印於箱書吏出印升印於箱上行  
三跪九叩首禮畢復陞公座吏書稟用印用印畢

稟封印入印於箱各書役叩  
賀畢鼓樂導引送印入宅

賓興生員大比本州擇期設公晏於公堂生員至本  
州出迎揖讓升堂本州主席學官及僚幕與焉  
晏畢本州步送出頭門  
乘輿送至城門外揖別

朔望行香

文廟

武廟

文昌宮

俱行三跪九叩

首禮

城隍廟

馬神廟

龍王廟

俱行兩跪六叩首禮

土

神祠行一跪三

首禮

學校

古者澤宮選士必以射是絃誦者皆能弓矢也今則其藝分矣古者十三舞勺十四舞象十五入大學是入學者皆能舞也今則其事又分矣其分也非古也而亦非今爲然也然則旣分不能復合乎射者志正體直因粗可以得精舞者中節諧音卽器可以知義學者不深明乎六藝之故又將何以爲學也嗟嗟君子小人皆當學道而後人心正風俗同猶斷斷於文武別其途禮樂異其致哉是志學校

歷代學校考

郡國之有學自前漢景帝時文翁爲蜀郡守修起學宮於成都市中招下縣子弟爲學宮弟子至武帝乃令天下郡國皆立學校官後魏顯祖從高允之請郡國立學大郡置博士二人助教四人學生一百人次郡中郡下郡遞殺隋元壽元年詔廢州縣學唐武德七年詔諸州縣並令置學開元二十六年令天下州縣里皆置學宋慶歷四年范仲淹請詔州縣興學校元至元二十八年令諸路學及各縣學內設立小學選老成之士教之明洪武二年詔府州縣皆立學定自漢以來皆爲大郡其學校之設史無明文而文廟建於唐盧公簡永學校建於宋韓公琦自元迄明累代增修均有碑記則唐宋以前之有學校亦可知矣

本州學宮建於州治之西北里許

文廟  
署俱詳別部

順治九年題准刊立臥碑置於明倫堂之左曉示生

員

朝廷建立學校選取生員免其丁糧厚以廩膳設學院

學道學官以教之各衛門官以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者子旣讀書明理當再三懇告使父母不陷於危亡

一生員立志當學爲忠賢清官書史所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏

若心術邪刻讀書必無成就爲官必取禍患行害人之事往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切已之事直須家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師亦當盡心教誨毋致怠

惰

軍民一切利病不許生員上書陳言如有一言建白  
以違

制諭黜革治罪

一生員不許糾黨多人立盟結社把持官府武斷鄉曲  
所作文字不許妄行刊刻違者聽提調官治罪康熙  
四十九年州牧韓逢庥補刻於石嵌立明倫堂北壁  
之東雍正五年三月禮部奏會試舉子叨荷

特恩合詞陳謝奉

上諭朕視天下萬民皆爲一體况讀書鄉薦之人異日俱可  
作朕股肱耳目是以朕心待之實有一體聯屬之意愛

養培護卽如自厚其身此皆出於心中之自然並非欲  
邀天下士子之感頌也今舉子等以會試叨荷特恩合  
詞陳謝是尙不能深悉朕一體相關之意而存上下彼  
此之形跡矣朕待天下惟有一誠而崇儒重道之心尤  
爲篤切但所崇者皆真儒所重者皆正道若徒尙虛文  
邀取名譽致貽世道人心之害朕不忍爲也爾等讀書  
之人實四民之所觀瞻風俗之所維繫果能誦法聖賢  
躬行實踐宅心正直行己端方則通籍於朝必能爲國  
家宣猷樹績膺棟梁之選卽退鄉間亦必能教孝勸忠  
爲眾人之坊表故士習旣端而人心尙有不正風俗尙

有不淳者無是理也爾等既感朕恩卽當仰體朕心恪遵朕訓爭自濯磨或出或處皆端人正士爲國家所倚賴如此方爲實心報効不在感恩奉謝之儀文也欽此

乾隆四十九年州牧孫景曾敬謹補刻於石嵌立明

倫堂北壁之西

本州學額取進文章二十三名由外府撥取二名取進武童二十五名

大清會典載順治十五年題准儒童入學大府二十名大州縣十五名小學四五名定州係大學例取進十五名自康熙五十四年加增三名定州遂取進十

八名雍正二年題准直隸定州照府學額取進二十  
三名十二年議覆直隸保定正定分設易定冀趙深  
五州其童生入學額數保定府學量減三名以一歸  
定正定府學量減九名以一歸定餘分歸四州均於  
各州屬縣內撥取自是定州學遂撥取二名合本額  
爲二十五名

本州學額設廩膳生三十名增廣生三十名附生無  
定數

順治九年題准幫補廩增新舊相間以考案爲新丁  
憂起復病痊考復停降考復緣事辯復者爲舊無新

儘舊無舊儘新新舊之間總以考案先後爲主如第  
一是新則先新後舊第一是舊則先舊後新丁憂以  
下四項考居一二等俱照名次先後爲序卽起復亦  
不問服闋先後惟考居三等先儘丁憂起復次病痊  
考復次停降考復次緣事辯復挨次序補如起復等  
項有一二人同時候補者以文到日先後爲序文同  
到者以原補廩增先後爲序若考後起復准復者序  
於與考之後不得攬越凡遇廩增缺出該學教官於  
次日卽開明廩增某人某日某事故見缺應補上首  
補過某項某人下首現有某項某人候缺取具本生

及上首下首生不致攬越賄囑結狀加結申提調官  
覆勘無礙申文詳奪其增生補廩所遺增缺須前詳  
批允後方准作缺呈詳頂補不得兩項並申

雍正十三年議准廩增生遇本父母之喪期年內不  
許應試毋庸出缺

嘉慶十三年題准該省歲科兩考廩增幫補各以年  
半爲期歲考之年正月初一日起至次年六月三十  
日止所出之缺歸於歲案幫補科考之年自七月初  
一日起至第三年十二月三十日止所出之缺歸於  
科案幫補遇有閏月在應補歲案期內歲案幫補卽

以六月十五日止如在應補科案期內科案幫補卽  
以七月十六日起如此明立限期庶兩案幫補不至  
多寡懸殊

本州學額定三年起送貢生二名凡遇

恩詔准以本年正貢改作 恩貢次貢作正貢

順治四年定提學每歲將應貢生員屢經科舉者一  
正二陪嚴加考選如年衰文謬不許濫充正貢不堪  
合以衣巾告老次取陪貢充選倘一陪不堪更及二  
陪其有停廩降廩科歲考居三等者亦許收復未收  
復者不許起送

乾隆七年奉准拔貢定例十二年題請舉行一次定  
州例選拔一名

挑選佾舞

乾隆五年奏准各省府州縣學樂舞生每學遵例舞  
用六佾卽照樂舞之數額定三十六名外加四名以  
備疾病事故更替之用務令各該州縣會同教官考  
選本籍俊秀通曉音律嫻習禮儀者方准充補遇有  
缺出另行考選足數此外不許浮充仍照冊申報學  
臣查覈每遇學臣按臨免其府縣兩試由教官冊送  
府縣敘入考案之後申送院考憑文錄取

乾隆七年議准各省文廟樂舞生較之太常寺樂舞  
生應加區別除丁祭仍用雀頂襯衫外其常服帽頂  
但許銀盤起花銀頂不許僭越 定州樂舞久廢每  
逢學使按臨雖照例取文武佾生數人亦屬虛名而  
無實事道光二十九年州牧寶琳捐貲監造樂器令  
本州紳士保舉俊秀如額嫻習音律禮儀復函致前  
曲陽令現知天津縣王蘭廣聘津學佾舞生來州教  
演其圖式詳載祭祀部並自撰復樂記入藝文志